

嘉定鎮江志卷十七

總目 缺

敘 缺

丹徒縣令

丞佐 附

漢陸肅歷丹徒令

按唐宰相世系表肅之父名稠稠之弟名逢逢之孫名穰猶為漢海鹽縣令於肅為姪行則知肅為東漢人也

宋賈淵齊書本傳自太學博士出為丹徒令昇明中蕭道成刺南徐嘉淵世學取為驃騎參軍

嘉定鎮江志 卷十七

一 橫山草堂

齊沈疇之為丹徒令以廉自守不事左右浸潤日至遂鎖繫尙方歎曰一見天子足矣上召問之疇之曰臣坐清所以獲罪上曰清何以獲罪曰無以奉要人上曰要人為誰疇之以手板四面指曰此赤衣諸賢皆是上知其無罪復除丹徒令入縣界吏候之謂曰我今重來當以人肝代米不然清名不立

梁虞丹徒忘其名潤州類集有何遜答虞丹徒歌

徐摛本傳晉安王移鎮京口摛隨府轉帶鄰令

按宋齊志鄰縣僑治丹徒

唐王宏道歷丹徒令

宰相世系表



大清乾隆庚子臣圖書
鑰藏汪氏大
贈圖書

季丹徒忘其名類集宋之間有酬季丹徒見贈詩

溫丹徒忘其名類集皇甫冉與之同登萬歲樓有詩

彭彥規太和中爲丹徒令建雲騰廟

項斯會昌中擢進士第爲丹徒尉楊敬之愛斯爲詩所至稱之詩云平生不會藏人善到處逢人說項斯

五代段明府忘其名南唐用爲丹徒令類集有李建勳有贈丹徒段明府二詩

顧彥回南唐時爲丹徒令

宋王紀太平興國五年歷丹徒令

見徐騎省集

李韶長編太平興國八年以殿中丞知丹徒縣

嘉定鎮江志

卷十七

二

陳之奇字虞卿慶厯閒爲丹徒令其爲政主於愛而民亦愛之故相王岐公珪志其墓

王國爲丹徒令改著作佐郎

丹徒黃令忘其名官滿歸王莊定存相遇於泗上以詩別之

侯道濟明道先生程顥伊川先生程頤之外祖以儒學

中科第爲丹徒縣令

見伊川先生集

陳安止元祐四年爲丹徒令

陸安民爲丹徒丞嘗詠江際沙田有愛民之意類集有

陸仲高送行詩

王深熙甯閒丹徒主簿有文行南豐先生銘其父墓
陳沂御史裏行洙之弟殿中侍御史師錫之叔丹徒主簿

葉夢得崇甯閒丹徒尉有所賦詩詞在石林集中

宰政舊無壁記前志自蘇行冲始

蘇行冲右宣教郎紹興元年 錢覺右奉議郎紹興三年 向渡右奉議郎

紹興九年 劉覺民右通直郎紹興十二年 柳材右宣教郎紹興十三年

趙學老右通直郎紹興十六年 竇公邁右承議郎紹興十八年 郭堂老

右承議郎紹興二十一年 魏之基右宣教郎紹興二十四年 歐陽并右通直郎

直郎紹興二十七年 徐宅右承議郎紹興三十一年 呂廣右通直郎隆興二年

嘉定鎮江志 卷十七 三

到 謝傑右宣義郎乾道二年 韓元老右宣教郎乾道五年 何健

右宣教郎乾道九年 周翊宣教郎淳熙二年 高峻宣教郎淳熙四年 孟

致康宣教郎淳熙七年 蔡戩通直郎淳熙十年 田橡朝散郎淳熙十四年

仲慶遠宣教郎紹興元年 高得居承議郎紹興四年 張思忠承議郎

郎慶元二年 李時升奉議郎慶元四年 王若水宣教郎慶元六年

史宜之奉議郎嘉泰二年 強向奉議郎嘉泰四年 林昌通直郎開禧三年

趙善漣奉議郎嘉泰三年 高惟月奉議郎嘉定五年 莫煥通直郎嘉定八年

定八年十一月十九日到

丹陽縣令 丞佐 附

宋到攜齊書本傳試守延陵令非所樂去官

齊戴景度世祖建元元年延陵令上季子廟湧井事齊見

志祥瑞

梁褚灃本傳先曲阿令又延陵令

劉之遴本傳延陵令

王僧恕延陵令撰季子廟碑文

唐邁之延陵令有集十一卷未詳何時人見隋經籍志註姑附於此

唐師賢延陵令有集十五卷未詳何時人見隋經籍志註亦姑附於此

唐杜羔延陵令見宰相世系表

沈琰吳興人開元十年延陵令與長史高紹同謁季子

廟見季子碑陰記

嘉定鎮江志卷十七

四

李令從永泰元年延陵令刺史韋損開練湖李華作頌

載其能如韋公之愛人

邵摯類集有劉長卿送摯赴延陵令詩

盧少卿延陵令忘其名類集有李頎送盧少卿赴延陵

詩

李延陵忘其名類集有劉長卿同遊紫陽觀至華陽洞

詩

延陵張宰忘其名類集有陸龜蒙贈詩

鍾重漸試大理司直兼延陵令類集有重漸題季子廟

詩曾收疑其南唐人

李韶延陵丞

見宰相世系表

韋少府尉延陵忘其名附見於此

宋朝仍唐為延陵縣非古延陵也古延陵今常之晉陵是已熙甯五年廢縣為鎮隸丹陽析其地屬三縣後百餘年鎮官周松年得縣令壁記於土中其序文治平四年縣令掌文紀撰附於左

劉贊

淳化元年

張德方

至道元年

王在和

咸平二年

王繼明

咸平五年

鄭思齊

景德二年

姜固

祥符元年

黃宗望

祥符三年

崔

思齊

祥符六年

方仲弓

祥符九年

管昭文

天禧四年

樂成象

乾興

元年

吳紀

天聖二年

楊儀

天聖三年

裴諒

天聖六年

鄭崇

天聖九年

嘉定鎮江志

卷十七

五

張文震

景祐四年

趙永

景祐四年

衛登

寶元二年

孫佐

康定二年

孟應之

慶歷二年

王琮

慶歷五年

陳銳

皇祐元年

牛自誠

皇祐

四年

王頤

至和元年

王夷直

嘉祐二年

秦道

嘉祐五年

高大明

嘉祐八年

掌文紀

治平三年

吳顧雍弱冠自合肥長轉曲阿有治迹

吾粲本傳字孔休孫河為將軍得自選長吏表粲為曲

阿丞遷長史治有名迹

孫助河之子為曲阿長

見孫桓傳註

宋孔曲阿忘其名類集有謝惠連與孔曲阿別詩

齊周洽汝南人曲阿令廉約無私卒於都水使者無以

殯吏人爲買棺器武帝聞而罪之曰洽累厯名邑而居處不理遂坐無車宅死令吏衣棺之此宜罪貶無論褒卹乃敕不給贈賻見傳

邱仲孚梁書本傳曲阿令仲孚以拒王敬則功遷山陰

令詳見攻守形勢

梁褚湛本傳爲曲阿令清謹可紀

臧仲博曲阿令見臧質傳後

江子一本傳曲阿令著美績

司馬壽曲阿令見司馬筠傳

胡頴陳書本傳曲阿令尋領馬軍

嘉定鎮江志卷十七

陳擬本傳陳霸先鎮朱方擬除步兵校尉曲阿令

周宏貞本傳曲阿令

唐尹元貞本傳文明元年曲阿令徐敬業攻陷潤州元

貞率兵赴援及戰敗被擒敬業臨以白刃脅令附己元

貞詞色慷慨竟不屈尋遇害敬業平贈潤州刺史諡曰

壯

柳尙素曲阿令見柳子厚文集

韓暈丹陽令見宰相世系表

杜孟寅永泰元年丹陽令刺史韋損開練湖李華作練

塘頌載其能秉葦公之清白

王瓊貞元初丹陽令三年調集皆黜落甚惋憤乃賚百千詣茅山道士葉虛中求奏章以問吉凶虛中年九十餘彊爲奏之其章隨香煙飛上縹緲不見食頃復墜地有朱書其末云受金百兩折祿三年枉殺二人死後處分後一歲瓊暴終

孔絢丹陽令

李明府忘其名劉延史有題丹陽李明府後亭三詩

類集

包章丹陽令

陸謀丹陽丞

見宰相
世系表

韋廣宗丹陽丞

同上

嘉定鎮江志

卷十七

七

啖助本傳淹該經術天寶末丹陽主簿秩滿屏居

李紘曲阿尉

李素臣曲阿尉

鄭倫丹陽尉

並宰相
世系表

趙少府丹陽尉忘其名給事中治親弟之子類集盧綸

有送丹陽趙少府詩

丁少府忘其名歸餘杭覲省權德輿以序送之云丁氏

子用文誼緣飾吏道尉丹陽三年嘉聞籍甚罷去之日

以綵衣歸田廬邑中諸生愴離讌之不足俾子序羣言

以爲賦

樊潛唐末以射策高等補丹陽尉課考爲優

見徐騎省集

五代呂延禎南唐時知丹陽縣鎮事兼點檢館驛迎送公事重開練湖有奏狀又作銘序

郭道規南唐時丹陽令稱疾辭官

吳淑以高第補丹陽尉

宋王令忘其名京口集有丹陽王令卽事詩

許元知丹陽縣有練湖決水一寸爲漕渠一尺故法盜決湖者罪比殺人會歲大旱元請借湖水溉民田不得報決之州守遣吏按問元曰便民罪令可也竟不能詰由是溉民田萬餘頃歲乃大豐

嘉定鎮江志

卷十七

八

蘇京紹聖中宰丹陽壽堂京所立也

張蒙丹陽令葛勝仲有詩贈之

見京口集

蘇攜丹陽丞會令缺行令事陳力二年如實爲令者丹陽當東南舟車之衝異時高麗人貢吏並緣掎取方數百里騷然攜爲區處使者雖至而民不知歲饑賑濟攜乞米於有司有司難之請至再三必得米則朝夕臨視唯恐不均雖鄰邑歸者亦受而不辭全活千萬計

夏竦以父承皓死事授丹陽主簿上書乞應制舉旣中

擢光祿寺丞通判台州

王致堯元豐初尉丹陽爲丹陽縣學記

虞元佐丹陽尉郡人蘇師德仁仲有贈詩見京口集

宰政舊無壁記前志始於趙公達今本縣題名自政

和閒姚鵬始

姚鵬承議郎政和入年到

劉僑從政郎宣和四年到

趙公達建炎元年到

崔世雍建炎三年到

陳彥忠建炎四年到

李唐紹興元年到

朱

郁紹興二年到

沈詠紹興三年到

王絳紹興五年到

章復紹興七年到

吳芑紹興十年到

劉長民紹興十年到

時檄紹興十年到

毛旒紹興二十年到

蘇忠規紹興十年到

陶之真紹興二十年到

毛旒

胡傑紹興三十年到

梅時紹興二十年到

韓贄胄紹興二十年到

陳玠乾道五年到

燕世弼隆興二年到

施廣成乾道三年到

陳玠乾道五年到

嘉定鎮江志 卷十七

九

李漳乾道七年到

徐安國乾道八年到

孫泰輔淳熙二年到

李

應淳熙四年到

張用之淳熙五年到

韋潛心淳熙七年到

曹畋

章械淳熙十一年到

陳環中淳熙十四年到

高棟淳熙十六年到

王括紹興三十年到

趙師儔慶元元年到

張再興慶元四年到

施濟慶元四年到

朱處大嘉泰二年到

陳廉嘉泰三年到

符從政郎嘉定六年到

李百壽開禧二年到

徐文度嘉定二年到

吳

符從政郎嘉定六年到

金壇縣令丞佐附

唐岑羲金壇令頗有治績以文吏著名宰相語本道巡

察御史曰毋遺江東三岑乃薦羲為汜水令

武平一本傳中宗時嘗因詩頌規誠元宗立貶蘇州參軍徙金壇令被責而名不衰

劉彥回開元中自侍御史左遷金壇令彥回以直貶終守清節琴樽自娛吏民畏愛之

徐有鄰金壇令

見宰相世系表

武譚金壇令

見宰相世系表

李晤金壇令

見宗室世系表

胡玘永泰元年金壇令刺史韋損開練湖李華作頌載其能稟韋公之成規

姚合武功人金壇令築武功臺於金壇縣衙西池中有

嘉定鎮江志

卷十七

十

石記

樊諭金壇令

見徐騎省集

王甲開元末金壇丞

見太平廣記

蕭穎士金壇尉將赴金壇有詩別二補闕三拾遺

見文粹

韋泛大歷初金壇尉

見太平廣記

宋吳中復字仲庶金壇令景祐中擢第時上錫羣進士

詩其卒章有清修之訓中復建亭取以爲名士大夫咸

詠歌之姚闢以書抵王存曰子熟吳君治不可以嘿存

因爲詩云

會長官元豐閒金壇令奏請乞開夾苧干瀆以興水利

降旨委江東及兩浙兩路監司相度

按東坡集不言其名考金壇縣記止云慶歷中有曾

旦為宰慶歷去元豐甫三十餘年豈縣記逸之耶

李坦長編崇甯三年以將仕郎為金壇主簿特遷承務

郎

曾德金壇主簿

見浮溪集

江寓金壇尉位雖卑有愛民之心

見著溪集

今宰政壁記自咸平初段備始其姓名比二邑為詳者有許德之哀於大觀趙沔纂於建炎周茂刊於紹

興也

嘉定鎮江志 卷十七

七

段備 咸平元年到

任宗諤 咸平五年到

邱士衡 祥符元年到

高

淡 天禧元年到

陶實 天禧五年到

施牧 天聖元年到

王用賓 天聖元年到

四年

趙時 天聖八年到

李昭壽 明道元年到

孫覲 景祐二年到

孫琬 康定元年到

李元 康定二年到

吳中復 慶歷二年到

曾

旦 慶歷七年到

孟滋 皇祐二年到

畢之翰 皇祐四年到

林昌符

嘉祐元年到

向宗旦 嘉祐四年到

呂全 嘉祐六年到

李越 治平元年到

李湜 熙甯二年到

汪轂 熙甯四年到

沈元 熙甯五年到

林

景行 熙甯六年到

牟概 元豐二年到

吳彥 元豐三年到

葉唐稷

元豐六年到

李鎮 元祐二年到

項傳 元祐五年到

上官合 紹聖元年到

瑱 紹聖四年到

江汝言 建中靖國元年到

李元升 崇甯二年到

到 虞龔明 崇甯四 許德之 大觀二 周方將 政和

到 虞遠 政和四 向汲 政和六年到宣 陶旂 政和

到 林極 宣和三 周元亨 宣和五 錢詡 靖康元

楊德載 建炎二 趙沔 建炎三 胡思忠 紹興二年以

一子恩澤 周茂 紹興二 朱玟 紹興四 張瑞 紹

七年 沈松年 紹興十 吳仁 紹興十一 孫衛 紹興

年到 趙鏗 紹興十四 莊壽 紹興十五 趙公稱 紹

十七年 魏彥機 紹興二十 蘇奕世 紹興二十 宋

大年 紹興二十 胡紹 紹興二十 尤著 紹興二十

潘文禮 紹興二十 胡當可 紹興三十 趙壘 乾道元

嘉定鎮江志 卷十七 三

倪穆 乾道三 張用成 乾道五 朱杲 乾道入 蔣

榷 淳熙二 趙不佞 淳熙四 周劄 淳熙六 張佐 淳

九年 胡大成 淳熙十二 曹熙 淳熙十五 樓鉉 紹

到任 李松 紹熙三 許昌期 慶元元 孔元忠 慶元

到任 李直柄 慶元五 韓冠卿 嘉泰元 趙師懇 嘉泰

到任 陶廷俊 開禧二 黃朴 嘉定二 唐士列 嘉定四

石不矜 承事郎嘉定 王概 宣教郎嘉定入

寓治

治以寓名蓋謂其或置或廢非郡縣之比也然其間多名公鉅卿往往致位宰輔故不得而略

焉題名記在本所宰臣洪适奉使時立其文曰

孟公開江淮荆浙都督府請用民部長貳居建

康總領軍須於是貳卿姚舜明以選行其後狄

人來約和我師之在邊城者皆歛而休於江之

南分中都官置四總領京口建康武昌與蜀之

利州其理所也京口蓋山陽韓侯世忠之師近

歲又掌江陰所屯凡供軍之督民稽逗勸其實下

江浙數州水輸陸送無虛旬物其稽逗勸其實下

否有刺舉之權頗得准鹽所算酒壚所權以澹

用月受諸軍所作戎器藏之庫歲收營田所獲

歸之官招選士卒則甲乙呼辨涅之於庭下刪

汰老疾則集有秩者第功伐如銓注之法川蜀

網馬至別其良駑則印之瀕塞有互市則提其

要凡關所隸者聽其訟或邊防軍政不常之事

則惟朝廷所命至於謝虛偽謹出內抱公滅私

則存乎其人其表賤謝慶之式所謂報發軍馬

王人故序乎古伯部使者之短力弱材以毛

文書或曰猶古之監軍非也子短力弱材以毛

錐子進金穀之事未之學也代置於斯旬有八

嘉定鎮江志 卷十七

三

月當疆場未甯多壘增竈之際饒道所出遠抵
海泗而礪負東歸解編北堂者費整飭武備規
滿謫上印綬而去且有日國家方整飭武備規
恢再造之業他時歸馬偃革則是官可省矣吏
無掌固文牘殘闕前數人已不能紀懼後來之
寤沒沒也乃摻次而志之石隆興元年九月志

總領所

胡紡 右中奉大夫司農少卿紹興十一年 呂希常 右

散郎司農少卿紹興十二年 吳彥璋 右朝奉大夫

興十二年閏四月易淮西 林大聲 左朝請大夫少卿紹

四年九月除廣西提刑 華初成 右朝散郎太府寺丞紹興十

除江東運副 榮蕤 右朝奉大夫倉部郎中紹興十六 周石 右朝

金部員外郎紹興十七年二月知鎮江府 蘇振

右朝散郎太府寺丞紹興二十年八月到二十六日五月罷
董萃右朝請大夫金

五年八月到二十六日五月罷
朱夏卿右丞紹興二十八年

三月除直秘閣知鎮江府外郎司
徐康右朝請大夫戶部員

三月到轉朝奉郎陸戶部員外郎
洪适左朝請大夫戶部員

外郎紹興三十二年三月供職行在
王弗右中散大夫戶部員

四月到陞郎中司農少卿
張津右朝散郎度置江淮等

隆興二年三月供職行在
趙公稱左朝奉大夫戶部郎中兼提領措

路營田隆興二年三月到
韓元龍右朝奉郎戶部員外郎乾道

明年三月除刑部侍郎
韓彥直左朝議大夫戶部郎中乾道二年

元年三月趙公稱置屯田乾道元年九月到轉朝散

到大夫二年四月
韓元龍右朝奉郎戶部員外郎乾道二年

主管崇道觀
韓彥直左朝議大夫戶部郎中乾道二年

崇道觀
韓彥直左朝議大夫戶部郎中乾道二年

除直龍圖閣
呂擢右朝請大夫司農少卿乾道

江西運副
呂擢右朝請大夫司農少卿乾道

嘉定鎮江志卷十七
呂擢右朝請大夫司農少卿乾道

沈右朝散郎度支員外郎乾道六年
沈復左朝請大夫少卿

乾道六年四月淮東總領併歸
張松右中奉大夫運

淮西通領八月改除湖廣總領
張松右中奉大夫運

副乾道六年五月兼權兩淮總領十一月除太府少卿

兩淮總領十二月奉旨復置淮東總領
蔡洸右朝請

府蔡洸唐琢右朝請大夫太府卿乾
蔡洸右朝請

暫兼沈唐琢右朝請大夫太府卿乾

少卿乾道七年五月到除司
曾逮右朝散郎戶部員

農卿九年正月顯謨
胡與可右朝奉郎戶部員外郎乾道

閩知荆南閣
許子中承議郎戶部員外郎乾道

除直敷文閣
許子中承議郎戶部員外郎乾道

知臨安府
許子中承議郎戶部員外郎乾道

觀錢良臣奉議郎試軍器少監兼戶部郎官淳熙二

年正月除
趙思朝奉郎戶部員外郎淳熙四

起居郎金部員外郎淳熙四年十一月到轉

朝奉郎除司農卿七年八月除戶部侍郎

朝散郎除司農卿七年八月除戶部侍郎

震 朝奉郎秘書省著作郎兼權戶部郎官淳熙七年十月到九年二月除國子司業 朱佺朝

大夫太府少卿淳熙九年二月到 吳瑀 朝散郎戶部

轉朝散大夫十年八月丁母憂 趙師舜 朝

十四年八月到除司農少卿累轉朝奉大夫 錢端忠

朝議大夫金部郎中紹熙元年七月到 劉穎 朝請大

二年十二月改司農少卿淮西總領 吳玘 朝奉郎守太府

二月改司農少卿淮西總領 葉適 朝請大

正月到授太府卿累轉朝請郎五年十 葉適 朝請大

一月赴行在奏事換授福州觀察使 葉適 朝請大

卿紹熙五年十二月罷 朱希顏 中大夫行太府少卿慶

到慶元二年三月罷 沈作賓 朝請大夫戶部員外郎慶元五年

卿四年二月召 薛紹 朝散大夫戶部員外郎慶元五年

赴行在供職 薛紹 朝散大夫戶部員外郎慶元五年

閣知紹興府 薛紹 朝散大夫戶部員外郎慶元五年

嘉定鎮江志 卷十七

五

府少卿二年七月 梁季琚 朝請大夫戶部郎中嘉泰二

月除太常少卿 梁季琚 朝請大夫戶部郎中嘉泰二

府卿開禧元年九月除中 趙不儂 朝散大夫戶部郎

書門下省檢正諸房公事 趙不儂 朝散大夫戶部郎

到二年 林祖洽 中奉大夫守司農卿開禧二年四月

四月罷 林祖洽 中奉大夫守司農卿開禧二年四月

程準 朝散大夫戶部郎中開禧二年八月 葉籤 降授

一 朝散大夫戶部郎中開禧二年八月 葉籤 降授

轉守太府少卿開禧三年六月到 汪文振 朝散大

少卿嘉定元年九月到 林祖洽 中奉大夫權戶部

年七月與監司郡差遣 林祖洽 中奉大夫權戶部

月轉中大夫授試戶部 錢仲彪 嘉定四年六月到

侍郎四年四月除職到部 錢仲彪 嘉定四年六月到

八年八月除大職 宋均 朝請郎守尚書戶部郎

卿召赴行在供職 宋均 朝請郎守尚書戶部郎

薛尚賢 湯東輔 常口口 杜天啟 宋惠疇 翟

糧料院

敘 李濟老 劉唐稽 王子詠 葛立象 曾協

陸之淵 何幾先 何侑 沈審一 李嶧 韋能謙

陸楠 趙不愚 陳杞 陳字 趙公豫 姜處厚

沈杞 周益 楊王休 韓亞卿 陳良弼 趙師

誼 章葳 王尙通 趙汝礪 王斐 徐盈 黃謙

王百揆 胡監 舒杲 趙師鼎 承議郎嘉定七年五月至 趙

崇模 奉議郎嘉定八年六月至

幹辦公事

張孝曾 姚松 陳如晦 鮑禮叔 張臨 張洌

周荃 喬顥 周承勛 趙默 趙公伾 夏蹈中

嘉定鎮江志 卷十七 夫

陳景思 沈程 蘇渭 柴幾 趙彥揆 何處仁

應鏞 趙祐夫 司馬述 喻興之

嘉定鎮江志卷十八

人物

敘缺

漢包咸字子長曲阿人習魯詩論語舉孝廉除郎中建武中以論語授皇太子拜諫議大夫侍中左中郎將永平五年遷大鴻臚病篤顯宗親駕臨視年七十一卒吳殷禮字德嗣雲陽人年十九守吳縣丞召除郎中終于零陵太守 基禮子官至無難督 巨字元大基子官偏將軍終蒼梧太守 祐字慶元巨弟官至吳郡太守

嘉定鎮江志

卷十八

一

宏咨曲阿人大帝之姊婿 璆咨孫爲五官中郎將遷中書令太子少傅

韋曜字宏嗣雲陽人本名昭史爲晉諱之少好學除西安令遷尙書郎太子中庶子歷黃門侍郎孫亮卽位爲太史令撰定吳書孫林踐祚轉中書郎博士祭酒孫皓卽位封高陵亭侯遷中書僕射侍中常領左國史 隆曜子亦有文學

華覈字永先武進人

卽丹徒

爲上虞尉典農都尉入爲秘

府郎遷中書丞孫皓卽位封徐陵亭侯遷東觀令領右

國史天冊元年以微譴免數歲卒

左思字公行雲陽人歷會稽餘杭長沙三郡太守

晉祖逖字士稚居丹徒之京口元帝用爲奮威將軍豫州刺史渡江中流擊楫自誓曰逖不能清中原而復濟者有如大江後果克復晉土進鎮西將軍卒 納字士言逖兄元帝用爲軍諮祭酒後除光祿大夫卒 約字士少逖弟隨逖渡江元帝用爲掾屬轉從事中郎逖卒自侍中代逖爲平西將軍豫州刺史以功封五等侯進號鎮西將軍 渙逖子官沛國內史

劉混居丹徒官武原令 靖混子官東安太守 翹靖

子官郡功曹 淳混弟官正員郎 巖淳子官海西令

嘉定鎮江志

卷十八

二

涓巖之子官彭城內史

劉爽居京口官尙書都官郎山陰令 仲道爽子劉裕

克京城以補建武參軍與孟昶留守事定以爲餘姚令

卒官 欽之仲道子官右軍參軍

劉回居京口官中山太守

劉建家京口官征虜將軍 牢之字道堅建子以勇應

募謝元用爲參軍破符堅將遷鷹揚將軍廣陵相進平

譙城遷龍驤將軍彭城內史以功賜爵武岡縣男攻慕

容垂軍敗召還頃之復爲龍驤將軍領彭城太守王恭

討王國寶爲府司馬領南彭城內史加輔國將軍破王

廡領晉陵太守王恭敗死代恭都督鎮京口東討孫恩
進拜前將軍都督吳郡諸軍事進號鎮北將軍都督會
稽五郡元興初討桓元爲前鋒都督征西將軍領江州
事元顯敗爲征東將軍會稽太守將襲桓元猶豫不決
而死喪歸丹徒 敬宣字萬壽牢之子起家爲王恭前
軍參軍又參元顯征虜軍事轉諮議參軍加甯朔將軍
隆安三年孫恩爲亂敬宣進平會稽加臨淮太守遷後
軍從事中郎元顯進號驃騎仍隨府轉尋進號輔國將
軍牢之敗敬宣奔洛陽劉裕平京口手書召敬宣卽馳
還爲輔國將軍晉陵太守襲封武岡縣男遷建威將軍
嘉定鎮江志

卷十八

三

江州刺史尋除冠軍將軍宣城內史襄城太守義熙三
年假節監征蜀諸軍事五年劉裕伐鮮卑除中軍諮議
參軍加冠軍將軍盧循逼京師遷使持節督馬頭淮西
諸郡軍事鎮蠻護軍淮南安豐二郡太守梁國內史循
走從劉裕南討轉左衛將軍加散騎常侍出爲使持節
督北青州郡軍事征虜將軍北青州刺史領清河太守
尋領冀州刺史十一年進號右將軍俄爲小將王猛子
所害年四十五

劉毅字希樂居京口初爲桓宏中兵參軍從劉裕誅桓
修又誅桓宏以功爲冠軍將軍青州刺史誅桓元進平

巴陵爲使持節兗州刺史轉撫軍將軍都督豫州等諸州事豫州刺史以克復功封南平郡開國公兼都督宣城軍事給鼓吹一部進拜衛將軍開府儀同三司尋爲江州都督遷荊州刺史都督諸軍事後貳于裕爲裕所誅 鎮之字仲德毅從父以左光祿大夫召不就年九十餘卒 模毅兄毅敗奔襄陽魯宗之斬送劉裕 邁

字伯羣毅兄初爲殷仲堪中兵參軍後爲晉陵太守封東安侯爲桓元所害 藩毅從弟劉裕義旗建爲龍驤

將軍後遷兗州刺史義熙八年毅刺荊州請藩爲副貳裕疑毅僞許之九月藩入朝裕命收藩賜死自表討毅

嘉定鎮江志

卷十八

四

劉簡之世居京口歷官至通直常侍少府太尉諮議參軍封晉安縣五等侯 謙之簡之弟義熙末爲始興相行州事遷振威將軍廣州刺史後至太中大夫 虔之簡之弟爲江夏相贈梁秦二州刺史封新康縣男

徐甯東海郟人

僑治丹徒

爲輿縣令以疾去職桓彝薦之庾

亮遷吏部郎終左將軍江州刺史 祚之甯子官上虞

令 欽之甯孫官秘書監

徐澄之永嘉之亂率子弟南渡江家于京口官州治中藻澄之子官都水使者 邈藻子孝武帝招延儒學

謝安舉以應選年四十四補中書舍人遷散騎常侍轉

祠部郎前衛率領本郡大中正授太子經安帝卽位拜
驍騎將軍隆安元年遭父憂以哀毀卒年五十四 廣
字野民邈弟謝元爲徐州辟從事轉鎮北參軍孝武世
除秘書郎典校秘書省轉員外散騎郎祠部郎元顯引
爲中軍參軍遷領軍長史大將軍文學祭酒義熙初除
鎮軍諮議參軍領記室封樂成縣五等侯轉員外散騎
常侍領著作郎撰成國史遷驍衛將軍領徐州大中正
轉員外常侍大司農遷秘書監歸老京口年七十四卒
浩邈子散騎侍郎鎮南將軍何無忌請爲功曹出補
西陽太守與無忌俱爲盧循所害

嘉定鎮江志

卷十八

五

王雅字茂達東海郟人魏衛將軍肅之曾孫州檄主簿
舉秀才除郎中出補永興令累遷尙書左右丞歷廷尉
侍中左衛將軍丹陽尹領太子左衛率遷太子少傅轉
領軍尙書散騎常侍終左僕射隆安四年卒年六十七
追贈光祿大夫儀同三司 準之雅子官散騎侍郎司
徒左長史 協之準之弟官黃門 延年準之子官員
外常侍

孟珩居京口官河南尹 淵珩孫官右光祿大夫 綽

淵子官給事中光祿勳贈金紫光祿大夫

孟馥家京口官中護軍 昶馥子爲青州主簿劉裕爲

徐州昶爲長史桓元平爲丹陽尹裕北討監中軍留府
事後至尙書僕射

臧汪字山甫家居京口官尙書郎 雋字宣義汪子官
郡功曹 熹字義和雋次子初參劉裕鎮軍事員外散
騎侍郎領東海太守以建義功封始興縣五等侯又參
劉裕車騎中軍軍事建威將軍臨海太守召拜散騎常
侍母憂去職起爲甯朔將軍領建平巴東二郡太守義
熙九年卒年三十九贈光祿勳

何倫東海鄒人官右衛將軍 盼倫姪官益陽令

何無忌居京口州辟從事轉太學博士爲東海王國中

嘉定鎮江志

卷十八

六

尉加廣武將軍同劉裕起義敗走桓元遷輔國將軍琅
邪內史桓謙等敗走侍衛安帝還京師督豫州等五郡
軍事右將軍豫州刺史加節甲仗五十人入殿未之職
遷會稽內史督江東五郡軍事給鼓吹一部義熙二年
遷都督八郡軍事江州刺史以興復之功封安城郡開
國公增督司州之宏農揚州之松滋加散騎侍郎進鎮
南將軍徐道覆順流而下無忌督戰握節死之詔贈侍
中司空諡忠肅

殷確曲阿人官參軍贈散騎侍郎

殷曠之居丹徒仕至剡令

蕭源之字君流南蘭陵人

曲阿縣東五十里

宅在曲阿墓在京

口歷中書黃門郎徐兗二州刺史冠軍將軍南琅邪太守贈前將軍

諸葛長民居丹徒桓元引爲參軍平西軍事同劉裕建義爲揚武將軍從討桓元拜輔國將軍宣城內史擊走桓歆封新塗縣公以本官督淮北諸軍事義熙初擊走慕容超進使持節督青揚二州諸軍事青州刺史領晉陵太守盧循平轉督豫州等諸軍事豫州刺史領淮南太守裕討劉毅長民監太尉留府事裕疑而殺之黎民長民弟劉毅被誅長民猶豫未發爲裕所殺使收黎民驍勇絕人與捕者苦戰而死幼民黎民弟爲大司馬參軍二兄被殺逃于山中裕追擒殺之

嘉定鎮江志

卷十八

七

檀憑之字慶子居京口初爲會稽王驃騎行參軍轉桓修長流參軍領東莞太守加甯遠將軍劉裕建義以爲建武將軍與桓元將皇甫敷戰羅落橋爲敷軍所害贈冀州刺史義熙初詔加贈散騎常侍封曲阿縣公

宋劉道憐居京口高祖從弟爲徐州從事史桓元走除員外散騎侍郎尋遷建威將軍南彭城內史高祖鎮京口進號龍驤將軍領堂邑太守義熙二年加使持節監征蜀諸軍事以義勳封新興縣五等侯四年爲并州刺

史義昌太守進號征虜將軍督淮北軍郡事北東海太守又封新淦縣男從征廣固加使持節進號左將軍七年解弁州加北徐州刺史鎮彭城八年召爲都督兗青二州晉陵京口淮南諸軍郡事兗青州刺史還鎮京口九年改封竟陵縣公十一年進號中軍將軍加散騎常侍給鼓吹一部十二年監留府事江陵平都督七州諸軍驃騎將軍開府儀同三司鎮護南蠻校尉荊州刺史召還爲侍中都督徐兗青三州揚州之晉陵諸軍事徐兗二州刺史元興元年進位司空再鎮京口高祖受命進位太尉封長沙王永初三年薨年五十五追贈太傅

嘉定鎮江志

卷十人

八

道規字道則高祖少弟初爲征虜中兵參軍誅桓宏爲振武將軍義昌太守江陵平進號輔國將軍督淮北諸軍事并州刺史義昌太守進督九郡諸軍事以義勳封華容縣公遷使持節都督六州司州之河南諸軍事領護南蠻校尉荊州刺史桓謙平進號征西將軍又進大將軍開府儀同三司加散騎常侍改授二州六郡諸軍事豫州刺史以疾薨年四十三追贈侍中司徒諡烈武進封南郡公高祖受命贈大司馬追封臨川王 遵考高祖族弟始爲振武參軍預討盧循封鄉侯隨高祖定長安督五郡諸軍事輔國將軍并州刺史除游擊將

軍遷冠軍將軍高祖卽位封營浦縣侯以本號爲彭城沛三郡太守景平初遷右衛將軍元嘉二年出爲征虜將軍淮南太守三年轉使持節領護軍入直殿省出爲使持節督四州六郡諸軍征虜將軍甯蠻校尉雍州刺史襄陽新野二郡太守七年除太子右衛率加給事中八年督南徐兗州之江北淮南諸軍事南兗州刺史領廣陵太守召爲侍中領後軍將軍徙太常九年遷右衛將軍加散騎常侍十五年領徐州大中正太子中庶子監徐兗二州豫州之梁郡諸軍事前將軍徐兗二州刺史未之鎮留爲侍中領左衛將軍十六年出爲持節監四州四郡諸軍事豫州刺史領南梁郡太守二十五年召爲領軍三十年復出爲使持節監豫州刺史進號安西將軍鎮西將軍孝建二年遷尙書左僕射三年轉丹陽尹五年遷尙書左僕射金紫光祿大夫廢帝卽位遷特進右光祿大夫景和元年出督南豫州諸軍事南豫州刺史太宗卽位爲侍中領崇憲太僕泰始五年賜几杖四時珍味後廢帝卽位進左光祿大夫元徽元年卒年八十二謚元義欣道憐長子嗣封爲員外散騎侍郎歷中領軍征虜將軍青州刺史魏郡太守元嘉元年進號後將軍加散騎常侍三年爲南兗州刺史七年遷

使持節監四州諸軍豫州刺史十年進號鎮軍將軍進
監爲都督十六年薨年三十六追贈散騎常侍征西將
軍開府儀同三司諡成 義融義欣弟永初元年封桂
陽縣侯歷侍左衛軍領太子中庶子五兵尙書領軍元
嘉十八年卒追贈車騎將軍諡恭 義宗字伯奴義融
弟賜爵新渝縣男永初九年進爵爲侯歷黃門侍郎太
子左衛率轉侍中太子詹事加散騎常侍征虜將軍南
兖州刺史元嘉二十一年卒追贈平北將軍諡惠 義
賓義宗弟元嘉二年封新野縣侯六年改封興安縣侯

黃門郎秘書監左衛將軍轉輔國將軍徐州刺史二十

嘉定鎮江志 卷十八

五年卒追贈後將軍諡肅 義綦義賓弟元嘉六年封
營道縣侯歷右衛將軍湘州刺史孝建二年卒贈平南
將軍諡僖 義慶道規子年十三襲封南郡公義熙十
二年從伐長安拜輔國將軍北青州刺史徙督豫州諸
軍豫州刺史復督淮北諸軍事永初元年襲封臨川王
召爲侍中元嘉元年轉散騎常侍秘書監徙度支尙書
遷丹陽令六年加尙書左僕射八年加中書令進號前
將軍九年出爲使持節都督七州諸軍平西將軍荊州
刺史十六年改散騎常侍荊州刺史衛將軍十七年卽
本號都督六州諸軍事南兖州刺史尋加開府儀同三

司二十一年薨年四十三追贈侍中司空諡康 思考
遵考從弟官豫章會稽太守兼徐州刺史泰始元年以
散騎常侍金紫光祿大夫卒年七十五追贈特進 琨
之遵考子初爲竟陵王誕司空主簿誕作亂以琨之爲
中兵參軍不就死之追贈黃門郎

劉穆之字道和世居京口初爲琅邪府主簿從高祖平
京邑遷尙書祠部郎復爲府主簿記室錄事參軍領堂
邑太守以功封西華縣五等子轉中軍太尉司馬義熙
八年加丹陽尹建威將軍置佐史諸葛長民誅進前將

軍十一年遷尙書右僕射領選十二年轉左僕射領監

嘉定鎮江志

卷十八

十一

軍中軍二府軍司甲仗五十人入居東城十三年疾篤
十一月卒年五十八追贈散騎常侍衛將軍開府儀同
三司重贈侍中司徒封南昌縣侯高祖受禪思佐命元
勳詔進南康郡公諡文宣元嘉九年配食高祖廟庭
慮之穆之子仕至員外散騎常侍 邕慮之子嗣封

式之字廷叔穆之中子累遷相國中兵參軍太子中舍
人黃門侍郎甯朔將軍宣城淮南二郡太守還爲太子
右率右衛將軍吳郡太守卒追贈征虜將軍以從征關
洛功封德陽縣五等侯諡恭 敷式之長子爲太宰從
事中郎世祖初轉黃門侍郎 衍敷弟大明末爲黃門

郎出爲豫章內史終中護軍 瑀字茂琳衍弟補南徐州別駕從事史遷從事中郎領淮南太守元嘉二十九年出爲甯遠將軍益州刺史轉青州刺史世祖卽位召爲御史中丞尋轉右衛將軍孝建三年除輔國將軍益州刺史俄免官大明元年起爲東陽太守二年遷吳興太守卒諡剛 子卷瑀子官南徐州別駕 藏子卷弟官尙書左丞 正之穆之少子官中書黃門侍郎太子右衛率甯朔將軍江夏內史 衷正之子官至始興相劉秀之字道寶世居京口景平二年除駙馬都尉奉朝請家貧求爲廣陵郡丞仍除撫軍出爲無錫陽羨烏程

嘉定鎮江志

卷十八

十一

令並著能名元嘉十六年遷建康令除尙書中兵郎世祖鎮襄陽以爲撫軍錄事參軍襄陽令改領廣平太守二十五年除督梁南北秦三州諸軍事甯遠將軍西戎校尉梁南秦二州刺史遷使持節督益甯二州諸軍事甯朔將軍益州刺史進號征虜將軍改督爲監封康樂縣侯遷監郢州諸軍事郢州刺史未就大明元年召爲右衛將軍遷丹陽尹三年拜尙書右僕射領太子右衛率五年出爲使持節散騎常侍都督諸軍事安北將軍甯蠻校尉雍州刺史未行卒年六十八詔贈侍中司空諡忠成 景遠秀之子官至前軍將軍嗣封 雋景遠

子嗣封齊受禪國除 粹之秀之弟官晉陵太守

劉粹字道冲家京口初爲州從事高祖克京城參建武軍事從平京邑轉參鎮軍事尋加建武將軍沛郡太守又領下邳太守復爲車騎中軍參軍以功封西安縣五等侯轉中軍諮議參軍盧循逼京邑奉太祖鎮京口轉游擊將軍遷建威將軍江夏相衛將軍劉毅平封瀟縣男母憂去職起爲甯朔將軍竟陵太守進號輔國將軍遷相國右司馬侍中中軍司馬冠軍將軍遷左衛將軍永初元年以佐命功改封建安縣侯二年督江北淮南郡事征虜將軍廣陵太守三年以本號督四州三郡諸

嘉定鎮江志

卷十八

三

軍事豫州刺史領梁郡太守鎮壽陽景平二年貶甯朔將軍太祖卽位遷使持節督四州六郡諸軍事領甯蠻校尉雍州刺史襄陽新野二郡太守元嘉四年卒年五十三追贈安北將軍 曠之粹子嗣封官至晉熙太守琛曠之子嗣封卒無子國除 亮琛弟昇明末官尙書駕部郎 懷之粹庶長子官臨川內史 道濟粹弟爲尙書起部郎車騎從事中郎撫軍司馬河東太守遷振武將軍益州刺史卒 損字子騫粹族弟元嘉中歷職義興太守遷吳郡太守卒贈太常

劉伯龍居京口歷位尙書左丞少府武陵太守

劉康祖世居京口初爲長沙王鎮軍參軍轉員外散騎侍郎被劾罷爲員外郎轉太子左積弩將軍世祖刺豫州鎮歷陽以康祖爲征虜中兵參軍轉太子翊軍校尉遷安蠻府司馬轉左軍將軍贈益州刺史謚壯

劉道產世居京口初爲輔國參軍無錫令加振武將軍除甯遠將軍巴西梓潼二郡太守還爲驃騎中兵參軍元嘉三年督梁南秦二州諸軍事刺史西戎校尉七年召爲後軍將軍八年遷左將軍諮議參軍仍持節督三州六郡諸軍事甯蠻校尉雍州刺史襄陽太守十三年進號輔國將軍十九年卒追贈征虜將軍謚襄 道錫

嘉定鎮江志

卷十八

十四

道產弟爲廣威將軍巴西梓潼二郡太守遷冠軍諮議參軍又遷揚烈將軍廣州刺史卒 延孫道產長子初

爲徐州主簿舉秀才司徒行參軍尙書都官郎錢塘令中兵參軍南清河太守世祖爲徐州補治中從事史世祖卽位爲侍中領前軍將軍封東昌縣侯改領衛尉孝建元年遷丹陽尹出爲冠軍將軍吳興太守置佐史召爲尙書右僕射領徐州大中正三年又出爲南兗州刺

史加散騎常侍徙爲使持節監四州二郡諸軍事鎮軍將軍甯蠻校尉雍州刺史以疾不行大明元年除金紫光祿大夫領太子詹事出爲南徐州刺史三年進號車

騎將軍加散騎常侍給鼓吹一部五年召爲侍中尙書
左僕射領護軍將軍六年卒年五十二贈司徒給班劍
二十人謚文穆 質延孫子嗣封秦始中國除 延熙
延孫弟大明中爲司徒右長史黃門郎臨海義興太守
劉宏之悛四世孫官給事中 惠宏之子官治書侍御
史臨賀太守

虞邱進字豫之東海郟人少時隨謝元討苻堅有功封
關內侯征孫恩破盧循定京邑除燕國內史義熙二年
除龍驤將軍封龍川縣五等侯除鄱陽太守斬徐道覆
除甯蠻護軍尋陽太守領文武劉毅平補太尉行參軍

嘉定鎮江志

卷十八

五

尋加振威將軍九年以前後功封望蔡縣男加龍驤將
軍輔國將軍山陽太守遷秦郡太守督陳留郡事永初
二年遷太子右衛率卒官年六十進爵子 耕進子嗣

封 龔祖耕子嗣封 世寶龔祖子嗣封齊受禪國除

檀韶字令孫世居京口初辟南徐州從事西曹主簿輔
國司馬從高祖平京城行參建武將軍事都邑旣平爲
鎮軍將軍加甯遠將軍東海太守進號建武將軍遷龍
驤將軍秦郡太守北陳留內史以平桓元功封巴邱縣
侯參車騎將軍事遷騎將中軍諮議參軍加甯朔將軍
領北琅邪太守琅邪內史討盧循有功更封宜陽縣侯

義熙七年號輔國將軍八年丁母憂起爲冠軍將軍遷
淮南太守鎮姑熟尋進號左將軍領本州大中正十二
年督二郡諸軍事江州刺史高祖受命以佐命功增食
邑永初二年卒年五十六追贈安南將軍加散騎常侍
緒韶子嗣封 臻字係宗韶次子位員外郎 遐臻
子嗣封 珪字伯玉臻次子歷沅南令板征北行參軍
終安成郡丞 祗字恭叔韶弟少爲孫無終輔國參軍
復爲王誕龍驤參軍從高祖克京城參建武軍事京邑
平參鎮軍事加振武將軍除龍驤將軍秦郡太守北陳
留內史加甯朔將軍封西昌縣侯義熙五年入爲中書

嘉定鎮江志

卷十八

六

侍郎八年遷右衛將軍出爲輔國將軍宣城內史卽本
號督江北淮南軍郡事青州刺史廣陵相進號征虜將
軍加節十一年進號右衛將軍十四年宋國初建爲領
軍將軍加散騎常侍卒年五十一贈撫軍將軍謚威

獻祗子嗣封元熙中卒 明獻弟獻卒紹祗封 宣明

子嗣封 逸宣子嗣封齊受禪國除 道濟祗弟從高

祖入京城參建武軍事擒桓振除輔國參軍南陽太守
以勳封吳興縣五等侯盧循寇逆爲揚武將軍天門太
守遷安遠護軍武陵內史復爲太尉參軍拜中書侍郎
轉甯朔將軍參太尉軍事以前後功封作唐縣男補太

尉主簿諮議參軍世子鎮京口爲司馬臨淮太守梁國
內史復爲世子征虜司馬加冠軍將軍從平長安爲征
虜將軍琅邪內史遷持節南蠻校尉宋國侍中領世子
中庶子兗州大中正高祖受命轉護軍加散騎常侍領
石頭戍事以佐命功封永修縣公徙丹陽尹高祖不豫
給班劍二十人出監南徐兗之江北淮南諸郡軍事鎮
北將軍南兗州刺史景平元年虜圍青州加使持節監
征討諸軍事還鎮廣陵太祖卽位進號征北將軍給鼓
吹進封武陵郡公固辭增督五郡諸軍事謝晦平遷都
督四郡諸軍事征南大將軍開府儀同三司江州刺史

嘉定鎮江志

卷十八

七

增食邑北討還進位司空還鎮尋陽元嘉十三年以威
名太盛被誅 植道濟子官給事黃門侍郎 粲植弟
官司徒從事中郎 隲粲弟官太子舍人 承伯隲弟
官秘書郎 孺道濟孫父邕道濟第七子孺至世祖世
爲奉朝請

檀嶷之字宏宗居京口官南琅邪太守 道彪字萬壽

嶷之子官正員郎 道鸞字萬安道彪弟官國子博士

永嘉太守

向靖字奉仁世居京口從高祖平京城參建武軍事進

平京邑板參鎮軍軍事加甯遠將軍義熙三年遷建武

將軍秦郡太守北陳留內史以平京城功封山陽縣五等侯轉中軍諮議參軍征盧循還除太尉諮議參軍下邳太守八年轉游擊將軍尋督馬頭淮西諸郡軍事龍驤將軍鎮蠻護軍安豐汝陰二郡太守梁國內史戍壽陽以平廣固盧循功封安南縣男十年遷冠軍將軍高陽內史臨淮太守領石頭戍事遷吳興太守高祖北伐督北青州諸軍事北青州刺史高祖受命以佐命功封曲江縣侯遷太子左衛率加散騎常侍永初二年卒年五十九追贈前將軍 植靖子嗣封 柳字元季植弟 歷征北中軍參軍始興內史南康相 邵靖弟永初中 嘉定鎮江志

卷十八

七

爲宣城太守元嘉初卒于義興太守

孟懷玉世居京口初爲建武司馬豫義旗從平京城之功封鄱陽縣五等侯高祖鎮京口爲鎮軍參軍下邳太守義熙三年出爲甯朔將軍西陽太守新蔡內史遷中書侍郎轉輔國將軍盧循逼京邑以戰功爲中軍諮議參軍循平封陽豐縣男復爲太尉諮議參軍征虜將軍八年遷江州刺史尋督六郡諸軍事南中郎將十一年加持節丁父艱解官卒年三十一追贈平南將軍 元懷玉子嗣封鄱陽縣侯卒無子國除 慧熙懷玉次子嗣封陽豐縣男 龍符懷玉弟高祖克京城爲建武將

軍以戰功參鎮軍軍事封平昌縣五等子加甯遠將軍
淮陵太守斬桓歆除建威將軍東海太守從伐廣固爲
車騎將軍加龍驤將軍廣川太守戰死年三十三追贈
青州刺史追封臨沅縣男 微生龍符弟仙客子龍符
無子微生嗣封 佛護微生弟彥祖子微生奪爵佛護
襲封齊受禪國除 係祖微主子入隸羽林爲殿中將
軍元嘉二年與索虜戰死詔贈潁川郡太守

孟靈休昶子官秘書監封臨汝公

徐羨之字宗文東海郟人少爲太子少傅主簿鎮北功
曹尙書祠部郎撫軍中兵曹參軍高祖義旗建板爲鎮

嘉定鎮江志

卷十八

九

軍參軍尙書庫部郎領軍司馬司徒左西屬徐州別駕
從事史太尉諮議參軍義熙十一年除鷹揚將軍琅邪
內史高祖北伐轉太尉左司馬掌留任副貳劉穆之穆
之卒爲吏部尙書建威將軍丹陽尹總知留任甲仗二
十人出入轉尙書僕射高祖踐祚進號鎮軍將軍加散
騎常侍封南昌縣公遷尙書令揚州刺史進位司空錄
尙書事高祖不豫加班劍三十人被顧命太祖踐祚進
司徒南平郡公上表遜位被誅年六十三 喬之羨之

子尙高祖第六女富陽公主官至竟陵王文學 佩之
羨之兄欽之子爲丹陽尹吳郡太守 逵之佩之弟尙

高祖長女會稽公主爲振威將軍彭城沛二郡太守討
司馬休之爲前鋒于陣見害追贈中書侍郎 湛之字
孝源達之子高祖之外孫永初三年封枝江縣侯元嘉
二年除著作佐郎員外散騎侍郎並不就六年補太子
洗馬轉國子博士遷奮威將軍南彭城沛二郡太守徙
黃門侍郎加輔國將軍遷秘書監領右軍將軍轉侍中
加驍騎將軍散騎常侍遷中護軍太子詹事尋加侍中
遷冠軍將軍丹陽尹進號征虜將軍二十四年轉中書
令領太子詹事出爲前軍將軍南兗州刺史二十八年
爲尙書僕射領護軍將軍見害于元凶劭年四十四世

嘉定鎮江志

卷十八

三

祖卽位追贈司空諡忠烈 聿之湛之子官著作郎

恒之聿之弟嗣侯尙太祖第十五女南陽公主

徐豁字萬同居京口隆安末爲太學博士轉秘書郎尙
書倉部郎鎮南參軍永世令建武司馬中軍參軍尙書
左丞永初初爲鎮軍司馬山陰令元嘉初爲始興太守
五年持節督二州諸軍事甯遠將軍平越中郎將廣州
刺史未拜卒年五十一

徐憑道東海郟人官海陵太守

徐長宗東海郟人官霸府行參軍

徐耕延陵人元嘉二十一年以米助官賑貸酬以縣令

沈林子字敬士移居京口從高祖克京城以佐命功封漢壽縣伯終輔國將軍

王萬慶雅之孫官員外常侍元閔萬慶子官護軍司馬

王微字景元琅邪人

隸南徐州

舉南徐州秀才不就起家司

徒祭酒轉主簿功曹記室參軍太子中舍人始興王友父憂服闋除中書侍郎南琅邪義興太守吏部郎並不就卒詔贈秘書監

臧燾字德仁雋長子晉太元中立國學燾爲明教後除

臨沂令義旗建爲太學博士參右將軍軍事轉鎮南將

嘉定鎮江志

卷十八

三

軍參高祖中軍軍事入補尙書度支郎改掌祠部襲封高陵侯遷通直郎鎮軍車騎中軍太尉諮議參軍高祖北伐除大司馬從事中郎總留府事義熙十四年除侍中高祖受命召拜太常丞初三年致仕拜光祿大夫加金章紫綬卒年七十贈左光祿大夫加散騎常侍燾燾長子官護軍司馬宜都太守綽燾少子官太子中舍人新安太守 湛之邃長子官尙書都官郎烏程令

疑之湛之弟歷後軍記室錄事遷尙書右丞 贛字

士若疑之子官尙書主客郎征西功曹 潭之疑之弟

太宗世歷尙書吏部郎御史中丞元徽中爲左民尙書

卒官 澄之潭之弟官太子左積弩將軍元嘉二十七年戰死贈通直郎 煥綽子昇明中爲武昌太守 稜 夤弟官至後軍參軍

臧質字含文熹子年未二十爲世子中軍行參軍元嘉元年爲員外散騎侍郎母憂去職服闋爲江夏王撫軍 徙爲給事中出爲建平太守遷甯遠將軍歷陽太守江夏王內史復爲建武將軍巴東建平二郡太守召爲使持節都督二州諸軍事徐兗二州刺史太祖北討爲輔國將軍假節置佐守盱眙有功遷使持節監四州諸軍事冠軍將軍甯蠻校尉雍州刺史封開國子後爲丹陽

嘉定鎮江志

卷十八

三

尹加征虜將軍世祖卽位爲江州刺史加散騎常侍

蕭思話源之子年十八除大司馬行參軍轉相國參軍 父憂去服闋拜羽林監襲爵封陽縣侯轉宣威將軍彭 城沛二郡太守元嘉五年遷中書侍郎督青徐州之東 莞諸軍事振武將軍青州刺史八年除左軍司馬南沛 郡太守九年督梁南秦二州諸軍事二州刺史橫野將 軍十四年遷平西長史南蠻校尉十九年召爲侍中領 前軍將軍二十年遷持節監四州六郡諸軍事雍州刺 史襄陽太守二十二年除侍中領太子右率二十四年 改領左衛將軍南徐州大中正二十五年復刺雍州二

十六年召爲吏部尙書二十七年遷護軍將軍持節監四州梁郡諸軍事撫軍將軍兗徐二州刺史世祖卽位召爲散騎常侍尙書左僕射固辭改中書令丹陽尹明年出爲使持節都督五州梁郡諸軍事安北將軍徐州刺史加鼓吹一部移都督三郡諸軍事江州刺史移都督郢湘二州諸軍事鎮西將軍郢州刺史孝建二年卒年五十贈征西將軍開府儀同三司謚穆 惠開思話長子初爲秘書郎轉太子舍人尙書水部郎征北府主簿南徐州治中從事史汝陰王友大將軍大司馬從事中郎孝建元年自太子中庶子轉黃門侍郎大明二年

嘉定鎮江志

卷十八

三

出爲北中郎長史甯朔將軍襄陽太守襲封陽縣侯入爲御史中丞遷侍中八年持節督青冀二州諸軍事輔國將軍青冀二州刺史改督益甯二州刺史太宗卽位進號冠軍將軍平西將軍改督爲都督泰始六年除少府加給事卒年四十九 惠明惠開弟歷黃門郎御史中丞司徒左長史吳興太守元徽末卒官 僧珍思話弟官廷尉卿

關康之字伯愉世居京口元嘉中太祖聞康之有學義除武昌國中軍將軍江夏王廣陵王辟爲南徐州從事西曹並不就得疾寢頓二十餘年泰始初召爲通直郎

又辭以疾昇明元年卒年六十三

何承天東海鄉人隆安四年爲南蠻參軍義旗初除瀏陽令劉毅板爲行參軍出補宛陵令尋陽司馬除太學博士義熙十一年爲世子征虜參軍錢塘令宋臺建召爲尙書祠部郎丞初末補南臺治書御史謝晦鎮江陵請爲南蠻長史轉諮議參軍領記室晦敗行南蠻府事元嘉十年到彥之北伐請爲右軍錄事歸補尙書殿中郎兼左丞十六年除著作佐郎轉太子率更令十九年領國子博士遷御史中丞二十四年遷廷尉未拜卒年七十八 翼承天子官員外郎

嘉定鎮江志

卷十八

五

何助無忌子封安城公官至侍中

戴顓居京口黃鵠山竹林精舍官通直散騎侍郎國子博士元嘉中召除太子中庶子散騎常侍並不就

戴明寶丹徒人厯員外散騎侍郎給事中世祖初爲南清河太守前廢帝卽位爲宣威將軍南東莞太守太宗初爲前軍將軍遷宣威將軍晉陵太守進爵爲侯泰始三年爲安陸太守加甯朔將軍游擊驍騎將軍武陵內史宣城太守昇明初拜太中大夫病卒

奚顯度南東海鄉人官至員外散騎侍郎

齊蕭惠基思話子惠明弟解褐著作佐郎征北行參軍

尙書水部左民郎出爲湘東內史除奉車都尉撫軍車
騎主簿宋泰始中出爲武陵內史轉中書黃門郎又出
爲豫章太守還爲吏部郎遷長兼侍中討沈攸之加輔
國將軍事甯解軍號領長水校尉太祖卽位拜征虜將
軍衛尉轉征虜將軍東陽太守加秩中二千石還爲都
官尙書轉掌吏部永明三年以久疾徙爲侍中領驍騎
將軍五年遷太常給事中六年卒年五十九贈金紫光
祿大夫 惠休惠基弟永明四年爲廣州刺史十一年
自輔國將軍爲徐州刺史鬱林卽位進號冠軍將軍建
武二年遷侍中領步兵校尉封建安縣子永元元年徙
嘉定鎮江志

卷十八

五

吳興太守召爲右僕射二年卒贈金紫光祿大夫 惠
照惠休弟永明九年爲征虜長史行南兖州事 惠蒨
惠照弟官左民尙書

劉季連字惠績思考子早歷清官建武中爲南郡太守
遷輔國將軍益州刺史永元元年召爲右衛將軍

劉祥字顯證穆之曾孫解褐爲征西行參軍歷驃騎中
軍二府太尉東閣祭酒驃騎主簿建元中爲征虜功曹

除正員外永明初遷長沙王鎮軍板諮議參軍累遷驃
騎從事中郎後徙廣州卒 彪祥從祖兄穆之正允建

元初降封南康縣公虎賁中郎將 整祥兄卒官廣州

劉瓛字子珪惓六世孫宋大明中舉秀才袁粲薦爲秘書郎除邵陵王郡主簿安陸王國常侍安成王撫軍行參軍公事免自此不復仕除車騎行參軍南彭城郡丞尙書祠部郎並不拜太祖踐阼重拜彭城郡丞兼總明觀祭酒除會稽郡丞永明初竟陵王子良請爲征北司徒記室除步兵校尉並不拜七年卒年五十六梁天監元年爲瓛立碑謚曰正簡先生 璉字子璈瓛弟宋泰豫中爲明帝挽郎舉秀才爲征北主簿安南行參軍建元初除冠軍參軍文惠太子召璉入侍東宮尋拜中兵兼記室參軍大司馬軍事射聲校尉卒官

嘉定鎮江志

卷十八

五

劉尙父靈貞宋司空秀之弟尙官越騎校尉

王諶字仲和雅元孫宋大明中辟徐州迎主簿又爲州迎從事轉行參軍明帝卽位除司徒參軍帶薛令兼中書舍人尋除尙書殿中郎徙記室參軍正員郎兼中書郎出爲湘東太守秩中二千石歷臨川內史還爲尙書左丞尋以本官領東觀祭酒遷黃門轉正員常侍輔國將軍冠軍將軍給事中廷尉建元中爲征虜長史永明初遷太尉司馬淮南太守行府州事五年除黃門郎領驍騎將軍遷太子中庶子八年行南兖州府事九年卒年六十九 摛諶從叔爲秣陵令轉永陽郡終尙書左

丞

王延之字希季琅琊人舉南徐州秀才除中軍主簿記
室轉秘書丞撫軍諮議州別駕冠軍後軍司馬加振武
將軍出爲安遠護軍武陵內史不拜轉長史加宣威將
軍甯朔將軍遷侍中領射聲校尉未拜出爲吳郡太守
遷除吏部尚書領驍騎將軍出爲後軍將軍吳興太守
遷都督浙東五郡會稽太守轉侍中秘書監晉熙王師
遷中書令未拜轉右僕射宋昇明二年轉左僕射三年
出爲江州刺史建元二年進號鎮南將軍四年遷右光
祿大夫本州大中正再轉左僕射領竟陵王師永明二
嘉定鎮江志

卷十八

三

年轉特進卒年六十四諡簡

徐孝嗣字始昌聿之子八歲襲封枝江縣公拜駙馬都
尉除著作郎母喪去官爲司空太尉二府參軍安武王
文學宋昇明中遷太祖驃騎中郎帶南彭城太守齊臺
建爲世子庶子建元初出爲晉陵太守還爲太子中庶
子領長水校尉未拜爲征虜長史遷尚書吏部郎太子
右衛率出爲吳興太守召爲五兵尚書二年遷太子詹
事轉吏部尚書加右軍將軍領太子左衛率隆昌元年
遷散騎常侍前將軍丹陽尹高宗卽位封枝江縣侯給
鼓吹一部甲仗五十人入殿轉僕射加侍中中軍大將

軍進爵爲公增封食邑給班劍二十人加兵百人轉尙書令領本州中正建武四年進號開府儀同三司加中書監永元初轉特進位司空卒年四十七謚文忠 演
孝嗣長子尙世祖女武康公主拜駙馬都尉解褐著作郎太子舍人秘書丞枝江公世子司徒右長史黃門郎領步兵校尉太子中庶子贈侍中謚簡 沈孝嗣第三子尙明帝女山陰公主拜駙馬都尉贈散騎侍郎
徐融東海鄉人官南昌相

徐度之東海人官南徐州議曹從事史

臧榮緒隱居京口初南徐州辟西曹舉秀才不就太祖

嘉定鎮江志

卷十八

三

爲揚州召爲主簿不到永明六年卒年七十四

檀超字悅祖道彪子解褐州西曹舉秀才孝建初板宣威府參軍敕直東宮除驃騎參軍甯蠻主簿鎮北諮議轉尙書度支郎車騎功曹桂陽內史入爲殿中郎兼中書郎零陵內史征北驃騎記室國子博士兼左丞遷驃騎將軍建元二年掌史職卒官

邱巨源蘭陵人初舉孝廉宋大明五年敕助徐爰撰國史明帝卽位使參詔誥自南臺御史爲鎮軍參軍歷佐諸王府轉羽林監建元元年爲尙書主客郎領軍司馬

越騎校尉武昌太守

何詢東海鄉人翼之子官太尉中兵參軍

何敬叔東海鄉人官征東錄事參軍餘杭令

何慧炬東海人官尚書郎

梁蕭惠訓惠開從弟齊末爲巴東相武帝時爲太中大夫卒官琛字彥瑜惠訓子起家齊太學博士辟丹陽

簿舉南徐州秀才累遷司徒記室永明九年爲通直散騎侍郎遷司徒右長史出爲晉熙王長史行南徐州事還兼少府卿尚書左丞高祖定京邑用爲驃騎諮議錄事遷給事黃門侍郎梁臺建爲御史中丞天監元年遷庶子出爲宣城太守召爲衛尉卿遷員外散騎常侍

嘉定鎮江志

卷十八

无

三年除太子中庶子散騎常侍九年出爲甯遠將軍平

西長史江夏太守尋遷安西長史南郡太守母憂去官

又父艱起爲信武將軍護軍長史俄爲正毅將軍太尉

長史出爲信威將軍東陽太守遷吳興太守普通元年

召爲宗正卿遷左民尚書領南徐州大中正太子右衛

率徙度支尚書左驍騎將軍領軍將軍轉秘書監後軍

將軍遷侍中大通二年爲金紫光祿大夫加特進給親

信三十人中大通元年爲雲麾將軍晉陵太守秩中二

千石改授侍中特進金紫光祿大夫卒諡平遊琛子

官少府卿

蕭介字茂鏡思話孫惠蒨子齊永元末釋褐著作佐郎
天監六年除太子舍人八年遷尙書金部郎十二年轉
主客郎出爲吳令普通三年爲湘東王諮議參軍大通
二年除給事黃門侍郎大同二年爲揚州長史始興太
守七年召爲少府卿加散騎常侍遷都官尙書中大同
二年辭疾致仕就拜光祿大夫卒于家 眇素思話孫
惠明子起家爲齊司徒法曹行參軍遷著作佐郎太子
舍人尙書三公郎永元末爲太子洗馬天監初爲臨川
友丹陽尹丞遷司徒左西屬南徐州治中召爲中書侍
郎辭不就八年卒私謚正文先生 洽字宏稱惠基子

嘉定鎮江志

卷十八

三

齊永明中爲國子生舉明經起家著作佐郎遷西中郎
外兵參軍天監初爲前軍主簿尙書三公郎遷太子中
舍人出爲南徐州治中除司空從事中郎爲建安內史
坐事免起爲護軍長史北中郎諮議參軍遷太府卿臨
川王司馬普通初拜員外散騎常侍兼御史中丞二年
遷散騎常侍出爲招遠將軍臨海太守還拜司徒左長
史六年卒官

蕭愷南蘭陵人舉南徐州秀才對策高第起家秘書郎
遷太子中舍人王府主簿太子洗馬父憂去職復除洗
馬遷中書舍人累遷宣城王文學中書郎太子家令改

中庶子未拜徙爲吏部郎太清二年遷御史中丞侍中
卒官

江淹字文通濟陽考城人

隸南徐州

舉南徐州秀才對策上

第轉巴陵王國左常侍鎮軍參軍事領南東海郡丞宋
昇明初召爲尙書駕部郎驃騎參軍事齊建元初爲驃
騎記室參掌詔冊并典國史遷中書侍郎永明初遷驍
騎將軍出爲建威將軍廬陵內史遷爲驍騎將軍兼尙
書左丞少帝初以本官兼御史中丞明帝卽位除廷尉
卿加給事中遷冠軍長史加輔國將軍出爲宣城太守
還爲黃門侍郎領步兵校尉遷秘書監東昏末兼衛尉
嘉定鎮江志

卷十八

三

中興元年遷吏部尙書天監元年爲散騎常侍左衛將
軍封臨沮縣開國伯以疾遷金紫光祿大夫改封醴陵
侯四年卒諡憲

江革字休暎濟陽考城人舉南徐州秀才解褐奉朝請
除尙書駕部郎中興元年爲征北記室參軍帶中盧令
入爲丹陽尹記室領五官掾除通直散騎常侍頻遷秣
陵建康令入爲中書舍人尙書左丞司農卿復出爲晉
安王長史尋陽太守行江州府事徙廬陵王長史遷左
光祿大夫南平王長史御史中丞除少府卿出爲鎮威
將軍南康王長史廣陵太守改授豫章王長史除折衝

將軍武陵王長史會稽郡丞行府州事除都官尚書尋
監吳郡除明威將軍南中郎長史尋陽太守召入爲度
支尚書謝病還家除光祿大夫領步兵校尉南北兗二
州大中正大同元年卒諡彊

王琳字孝璋琅邪人舉南徐州秀才釋褐征虜法曹司
徒東閣祭酒南平王文學尚義興公主拜駙馬都尉累
遷中書侍郎衛軍長史員外散騎常侍出爲明威將軍
東陽太守召爲司徒左長史

王規字威明琅邪人舉南徐州秀才起家校書郎累遷
太子舍人司徒左西屬從事中郎雲麾諮議參軍久之

嘉定鎮江志

卷十八

三

爲新安太守襲封南昌縣侯中書黃門侍郎大通三年
遷五兵尚書領步兵校尉中大通二年出爲貞威將軍
驃騎長史吳郡太守召爲左民尚書領右軍將軍未拜
爲散騎常侍大同二年卒贈光祿大夫諡章

王僧孺雅曾孫準之孫仕齊起家王國左常侍太學博
士丹楊功曹遷大司馬行參軍直東宮崇明殿出補晉
安郡丞候官令天監初除臨川王記室參軍待詔文德
省尋出爲南海太守召還拜中書郎領著作遷尚書左
丞除游擊將軍兼御史中丞以公事降爲雲騎將軍遷
少府卿出監吳郡還除尚書吏部郎參大選出爲南康

王仁威長史行府州國事普通三年卒

徐勉字修仁東海郟人孝嗣之族射策舉高第補西陽王國侍郎遷太學博士鎮軍參軍尚書殿中郎又除中兵郎領軍長史高祖踐祚除中書侍郎遷建威將軍本邑中正尚書左丞天監二年除給事黃門侍郎尚書吏部郎遷侍中六年除給事中五兵尚書遷吏部尚書除散騎常侍領游擊將軍未拜改太子右衛率遷左衛將軍領太子中庶子侍東宮敕知宮事轉詹事領雲騎將軍遷尚書右僕射又改侍中尋授宣惠將軍置佐史改尚書僕射中衛將軍尋加中書令給親信二十人中大

嘉定鎮江志

卷十八

三

通三年以疾自陳移授特進右光祿大夫增親信四十大同元年卒年七十贈開府儀同三司諡簡肅 崧勉長子官南徐州迎賓主簿 悱字敬業勉次子起家著作郎轉太子舍人掌記室之任累遷洗馬中舍人以足疾出爲湘東王友遷晉安內史

徐緄孝嗣子位侍中太常信武將軍諡頌 君禧字懷簡緄子終湘東王鎮西諮議參軍

徐超東海郟人仕齊爲鬱林太守天監初官員外散騎常侍 摛字士秀超之子起家太學博士遷左衛司馬

晉安王侍讀雲麾府記室參軍平西府中記室安北中

錄事參軍帶鄴令除秣陵令大通初爲甯蠻府長史入爲皇太子家令兼掌管記中大通三年出爲新安太守還爲中庶子加戎昭將軍轉太子左衛率太宗嗣位授左衛將軍不拜卒年七十八贈侍中太子詹事諡正徐僧權東海人官至東宮通事舍人領秘書

臧未甄燾曾孫潭之子宋起家爲領軍主簿入齊歷太尉祭酒尙書主客郎建安廬陵二王府記室前軍功曹史通直郎南徐州中正丹陽尹丞高祖平京邑用爲驃騎刑獄參軍天監初除後軍諮議中郎南徐州別駕入拜黃門郎遷右軍安成王長史少府卿出爲新安太守

嘉定鎮江志

卷十八

書

遷爲太子中庶子司農卿太尉長史母憂服闋除廷尉卿出爲江夏太守卒官 盾字宣卿未甄子初爲撫軍行參軍父母喪服闋除丹陽尹丞遷中書郎復兼中書舍人遷尙書左丞爲武陵王長史行府州國事領會稽郡丞還除少府卿領步兵校尉遷御史中丞大通五年加散騎常侍兼領軍大同二年遷中領軍出爲仁威將軍吳郡太守以疾拜光祿大夫加金章紫綬七年疾愈復爲領軍將軍九年卒詔舉哀贈侍中諡忠 長博字孟宏盾子官桂陽內史 仲博長博弟官曲阿令 厥字獻卿盾弟初爲西中軍行參軍尙書主客郎入兼中

書通事舍人果遷正員郎鴻臚卿遷尙書右丞未拜出
爲晉安太守還除驃騎廬陵王諮議參軍遷員外散騎
常侍兼司農卿大同八年卒官 操厥子官尙書三公

郎

臧嚴字彥威稜子初爲安成王侍郎轉常侍遷冠軍行
參軍侍湘東王讀累遷王宣惠輕車行參軍兼記室王
遷荊州隨府轉安西錄事參軍歷監義陽武甯郡王入
爲石頭戍軍事除安右錄事王遷江州爲鎮南諮議參
軍卒官

劉愨字仲寶惔七世孫射策高第爲陵海令遷湘東王
嘉定鎮江志

卷十八

三

記室參軍轉中記室歷尙書左丞御史中丞承聖二年
遷吏部尙書國子祭酒

劉騶字彥和尙子天監初起家奉朝請臨川王記室遷
車騎倉曹參軍出爲太末令除南康王記室兼東宮通
事舍人遷步兵校尉卒

何遜字仲言承天曾孫尙子南徐州舉秀才天監中起
家奉朝請遷建安王水曹行參軍兼記室還爲安成王
參軍事兼尙書水部郎母憂服闋除廬陵王記室隨府
江州卒 儻字彥夷遜從叔位至臺郎

何思澄字元靜敬叔子起家南康王侍郎累遷安成王

左常侍兼太學博士安成王行參軍兼記室除廷尉正
天監十五年遷治書侍御史久之遷秣陵令入兼東宮
通事舍人除湘東王錄事參軍出爲黟縣令遷武陵王
中錄事參軍卒官 子明字世明思澄宗人歷官員外
散騎侍郎出爲固山令

何遠字義方東海郟人仕齊爲朝請高祖板輔國將軍
建康令帝踐祚爲步兵校尉以勳封廣興男遷建武將
軍鄱陽王錄事參軍頃之遷武昌太守坐事除名起爲
鎮南將軍武康令擢爲宣城太守天監十六年除給事
黃門侍郎還爲仁威長史出爲信武將軍監吳郡遷東
嘉定鎮江志 卷十八
陽太守普通二年卒

鮑機字景元東海郟人吏部尙書王亮舉爲春陵令明
山賓薦爲太常丞改尙書郎歷湘東王諮議參軍治書
侍御史 泉字潤岳機子元帝承制累遷至信州刺史
後移郢州長史行府州事

陶宏景字通明居于茅山自號華陽隱居大同二年卒
年八十五贈中散大夫謚貞白先生

諸葛璩字幼玖世居京口齊建武初南徐州行事江祀
辟爲議曹從事天監中州郡舉秀才並不就卒于家

陳徐陵字孝穆摛子梁普通二年參甯蠻府軍事大通

二年爲東宮學士稍遷尙書度支郎出爲上虞令坐事
免起爲南平王府行參軍遷通直散騎侍郎湘東王中
記室參軍太清二年兼通直散騎常侍使魏還朝爲尙
書吏部郎掌詔誥尋爲正威將軍尙書左丞紹泰二年
使齊還除給事黃門侍郎秘書監高祖受禪加散騎常
侍天嘉初除太府卿四年遷五兵尙書領大著作六年
除御史中丞天康元年遷吏部尙書高祖纂厯封建昌
縣侯太建元年除尙書右僕射七年領國子祭酒南徐
州大中正尋加侍中給扶又除領軍將軍八年加翊右
將軍丹陽尹十三年爲中書監給鼓吹以年老致仕後

嘉定鎮江志

卷十八

三

主卽位遷左光祿大夫太子少傅至德元年卒年七十
七贈鎮右將軍特進諡章 儉陵子起家豫章王行參

軍梁元帝召爲尙書金部郎中永定初爲太子洗馬遷
鎮東從事中郎天嘉三年遷中書侍郎太建初持節喻
旨廣州還爲鎮北諮議參軍兼中書舍人果遷國子博
士大匠卿黃門侍郎轉太子中庶子加通直散騎常侍
兼尙書左丞以公事免起爲諮議參軍遷正威將軍太
子右衛率後主立授和戎將軍晉熙王長史行丹楊郡
國事父憂去職累遷尋陽內史襲封建昌侯入爲御史
中丞禎明二年卒 份儉弟解褐秘書郎轉太子舍人

累遷豫章王主簿太子洗馬出爲海鹽令再入爲洗馬
太建二年卒 儀份弟舉高第爲秘書郎出爲烏傷令
禎明初遷尙書殿中郎尋兼東宮學士陳亡入隋煬帝
召爲學士除著作郎大業四年卒 孝克陵弟梁太清
初爲太學博士天嘉中除郟令太建四年召爲秘書丞
六年除國子博士遷通直散騎常侍兼國子祭酒尋爲
眞禎明元年入爲都官尙書二年爲散騎常侍侍東宮
陳亡隋文帝授國子博士開皇十九年卒年七十三
萬載孝克子仕至晉安王功曹史太子洗馬

徐伯陽字隱忍東海人試策高第尙書板補河東王國

嘉定鎮江志

卷十八

五

右常侍東宮學士臨川王府墨曹參軍梁大同中出爲
侯官令天嘉二年詔侍晉安王讀尋除司空侯安都府
記室參軍事卒

蕭允字叔佐介子居京口起家邵陵王法曹參軍轉湘
東王主簿遷太子洗馬天嘉三年召爲太子中庶子三
年除稜威將軍丹楊尹丞五年兼侍中聘于周還拜中
書侍郎大匠卿高宗卽位遷黃門侍郎五年出爲晉安
王長史王爲南豫州允行府州事至德三年除豫章王
長史累遷通直散騎常侍光勝將軍司徒左長史鄱陽
王出鎮會稽允又爲長史帶會稽郡丞拜光祿大夫隋

師濟江允遷長安以疾卒年八十四 引字叔休允弟
釋褐著作佐郎轉西昌侯儀同府主簿高宗時拜金部
侍郎太建七年加戎昭將軍九年除中衛始興王諮議
參軍兼金部侍郎轉庫部侍郎頻加中書侍郎正威將
軍黃門郎十二年遷吏部侍郎後主卽位轉中庶子以
疾去官明年復起爲建康令卒 彤引弟官至太子中
庶子南康王長史

蕭密字士機遊子太建八年官散騎常侍聘于齊歷位
黃門侍郎太子中庶子散騎常侍

蕭濟字孝康東海蘭陵人解褐梁秘書郎遷太子舍人

嘉定鎮江志

卷十八

无

預平侯景功封松陽縣侯高祖鎮朱方以濟爲明威將
軍征北長史承聖二年召爲中書侍郎轉通直散騎常
侍世祖守會稽以濟爲宣教府長史遷司徒左長史世
祖卽位授侍中尋遷太府卿母憂不拜歷守蘭陵陽羨
臨津臨安等郡太建初入爲五兵尚書侍東宮尋授度
支尚書領羽林監遷國子祭酒加金紫光祿大夫兼安
德宮衛尉尋爲仁威將軍揚州長史遷祠部尚書加給
事中卒年六十六詔贈本官

蕭摩訶字元嗣蘭陵人年未弱冠隨侯安都在京口天
嘉初除本縣令累遷巴山太守太建五年以功授明毅

將軍員外散騎常侍封廉平縣伯尋進爵爲侯轉太僕卿七年除晉熙太守九年以功授持節武毅將軍譙州刺史召還授右衛將軍十四年以功授散騎常侍車騎大將軍封綏遠郡公尋改授侍中驃騎大將軍加左光祿大夫授南徐州刺史禎明三年入隋授開府儀同三司死年七十二

蔡景厯字茂世濟陽考城人侯景平高祖鎮朱方板征北府中記室參軍仍領記室承聖中授通直散騎侍郎高祖受禪遷秘書監中書通事舍人掌詔誥被劾降爲中

嘉定鎮江志

卷十八

早

書侍郎世祖卽位復爲秘書監以定策功封新安縣子累遷散騎常侍天嘉三年以功遷太子左衛率進爵爲侯增食邑六年坐事免官廢帝卽位起爲諮議參軍高宗卽位遷豫章王長史帶會稽郡守行東揚州府事秩滿遷戎昭將軍長沙王長史尋陽太守行江州府事入爲通直散騎常侍中書通事舍人掌詔誥仍復封邑遷太子左衛率太建五年被劾削爵土後復本邑爵入守度支尙書以疾卒贈太常卿禎明元年配享高祖廟庭二年重贈侍中中撫將軍謚忠敬給鼓吹墓所立碑

證字希祥景厯子梁承聖初南徐州召補迎主簿尋授

太學博士天嘉初始興王府法曹行參軍歷外兵參軍
事尚書主客郎太建初遷太子少傅丞新安王主簿通
直散騎侍郎晉安王功曹史太子中舍人父憂服闋龔
封新豐縣侯授戎昭將軍至德二年遷廷尉卿尋爲吏
部郎遷中庶子中書舍人掌詔誥授左民尚書加甯遠
將軍遷吏部尚書安右將軍尋徙爲中書令禎明三年
權知中領軍入隋歷尚書民部儀曹郎轉給事卒 翼
證子官至司徒屬德教學士入隋爲東宮學士

馬樞字要理隱居茅山時遊京口嘗爲南徐州學士

隋鮑宏字潤身東海鄆人梁湘東王用爲中記室遷鎮

嘉定鎮江志

卷十八

望

南府諮議尚書水部郎轉通直散騎侍郎江陵平歸于
周用爲麟趾學士累遷遂伯下大夫及定山東除少御
正賜爵平遙縣伯加上儀同高祖受禪加開府除利州
刺史進爵爲公轉邛州刺史後授均州刺史以目疾免
卒于家年九十六

徐則東海鄆人陳太建時嘗應召煬帝鎮揚州手書召
之死于江都下書褒之曰東海徐先生

庾抱潤州人開皇中爲延州參軍事入調吏部尚書牛
宏奇之補元德太子學士後爲越巂主簿稱病不行義
甯中隴西公李建成辟爲公府記室尋轉太子舍人卒

唐蕭德言字文行思話元孫引子甫冠以國子生爲岳陽王賓客陳亡徙關中詭浮屠服亡歸江南仁壽中授校書郎貞觀中歷著作郎宏文館學士以經授晉王王爲太子兼侍讀請致仕太宗下詔勸勉封武陽縣侯進秘書少監高宗立拜銀青光祿大夫全給其祿永徽五年卒年九十七贈太常卿諡博

蕭立南蘭陵人天寶元年年十七中賢良方正科歷佐幕府入爲廷評尉拜監察御史轉殿中侍御史卒贈考功郎中

許叔牙字廷基潤州人貞觀初累授晉王文學兼侍讀

嘉定鎮江志

卷十八

望

尋遷太常博士王爲太子加朝散大夫遷太子洗馬兼宏文館直學士十三年卒子儒字文學叔牙子高宗時爲奉常博士長壽中官至天官侍郎宏文館學士

桓法嗣丹陽人官王府諮議參軍宏文館學士思敏

法嗣子官少府丞彥範缺元範彥範弟官至常州

刺史臣範元範弟官工部侍郎庭昌臣範子官刑

部侍郎

孫處元潤州人長安中爲左拾遺去官還鄉里以病卒

馬懷素字惟日丹徒人進士第又應制舉中文學優贍

科補郿尉積勞遷左臺監察御史轉禮部員外郎以十

道使黜陟江西還遷考功員外郎擢拜中書舍人內供奉爲修文館直學士開元初爲戶部侍郎封常山縣公兼昭文館學士侍讀遷秘書監病卒帝特爲之舉哀廢朝贈潤州刺史諡文

馬挺丹徒人官江都主簿

丁仙芝曲阿人進士第官餘杭尉

蔡隱邱曲阿人官緱氏主簿

蔡希周曲阿人開元十二年舉進士登第官監察御史
希寂希周弟登進士第終渭南縣尉

儲光羲延陵人進士第又詔中書試文章歷官監察御

嘉定鎮江志

卷十八

墨

史

陶翰潤州人進士第官禮部員外郎

談戴曲阿人進士第官長洲尉

申堂構丹徒人進士第官武進尉

張暈曲阿人進士第官校書郎

張彥雄曲阿人處士有詩名

包融延陵人歷大理寺直集賢院學士 佶融子進士

第累官建議大夫坐元載貶嶺南劉晏奏起爲江州刺

史汴東兩稅使建中初宰相楊炎用事惡晏奪其權以

佶爲權領鹽鐵使轉戶部郎中充江淮水陸運使三年

轉太常少卿江淮鹽鐵使又爲汴東水陸運兩稅鹽鐵使晏罷以佶充諸道鹽鐵輕貨錢物使轉左庶子遷刑部侍郎改秘書監貞元二年以國子祭酒知禮部貢舉後封丹楊郡公 何字幼嗣佶弟進士第大厯中爲起居舍人

包章延陵人漢大鴻臚咸之後終丹陽令 岷章子官

潤州錄事參軍

周瑀曲阿人吏部常選

周惟長居陽橫山處士能爲歌詞

殷遙潤州人官王府記室參軍

嘉定鎮江志

卷十八

四

殷璠丹陽人處士有詩名

樊光潤州人官硤石主簿

沈如筠潤州人官橫陽主簿

徐延壽潤州人處士有詩名

皇甫敬德丹陽人官銀青光祿大夫澤州刺史 价敬

德子官朝散大夫饒州樂平縣令 彬价子官秘書少

監集賢院修撰 顛彬弟官中散大夫潭州刺史 冉

字茂政顛子進士第厯無錫尉左金吾兵曹王縉爲河

南元帥表掌書記大厯二年遷左拾遺轉右補闕奉使

江表因省家卒于丹陽 曾字孝常冉弟進士第厯監

察御史殿中侍御史坐事貶舒州司馬陽翟令

朱放字長通居丹陽曹王臯鎮江西辟節度參謀貞元
初召爲拾遺

湯賁字文叔丹陽人貞元中爲宋州刺史

權臯字士繇居潤州丹徒進士第爲臨清尉安祿山表
爲繡尉幕府詐死脫歸高適表試大理評事淮南採訪
判官永王璘舉兵又詭姓名以免元宗嘉之除監察御
史母喪去浙西簡度使顏真卿表爲行軍司馬召拜起
居舍人固辭李季卿爲江淮黜陟使列其高行以著作
郎召不就大歷元年死殯丹徒元和中諡貞孝贈秘書

嘉定鎮江志

卷十八

望

監十二年復贈太子太保 德輿字載之臯子居丹陽

練塘韓洄黜陟河南辟置幕府試秘書省校書郎貞元

初復爲江西觀察使李兼判官德宗召爲太常博士改

左補闕十年遷起居舍人十七年冬以本官知禮部貢

舉十八年真拜侍郎轉戶部侍郎元和初歷兵部吏部

侍郎坐累徙太子賓客俄還前官遷太常卿五年拜禮

部尙書同中書門下平章事尋以檢校吏部尙書爲東

都留守復拜太常卿徙刑部尙書十一年復以檢校吏

部尙書出爲山南西道節度使十三年以病乞還道卒

贈左僕射諡文 璩字大圭德輿子元和二年登進士

第歷監察御史中書舍人劾李訓貶閬州刺史文宗憐其母病徙鄭州

劉太沖 太真居北固兄弟相繼登第太真大歷中爲淮南掌書記召拜起居郎累歷臺閣自中書舍人轉工部刑部侍郎

劉三復潤州人不遂鄉賦李德裕三領浙西及劍南淮南未嘗不從累遷御史中丞會昌中歷諫議給事拜刑部侍郎宏文館學士判館事病卒 鄴字漢藩三復子

高元裕廉察陝虢表爲團練推官得秘書省校書郎高少逸又辟鎮國幕府咸通初擢左拾遺召爲翰林學士

嘉定鎮江志

卷十八

吳

賜進士第轉尙書郎中知制誥拜中書舍人戶部侍郎遷承旨懿宗立以本官領諸道鹽鐵轉運使尋以禮部尙書同中書門下平章事判度支轉中書侍郎兼吏部尙書累加太清宮使宏文館大學士僖宗卽位再遷尙書左僕射出爲淮南節度使同平章事徙鳳翔固辭還拜左僕射巢賊犯長安不應僞命見殺

李暢居丹陽貞元元年典校秘書補江陵松滋主簿

李紳字公垂世宦南方客潤州元和元年進士第補國

子助教非其好東歸金陵

金陵卽京口

觀察使李錡辟掌書

記其反召紳作疏不從囚紳獄中錡誅乃免從辟山南

觀察府召爲右拾遺拜翰林學士轉右補闕長慶元年改司勳員外郎知制誥二年拜中書舍人御史中丞出爲江西觀察使改戶部侍郎敬宗卽位貶端州司馬徙江州長史遷滁壽二州刺史大和中擢浙東觀察使復以太子賓客分司開成初爲湖南尹遷宣武節度使武宗卽位徙淮南召拜中書侍郎平章事進尙書左僕射門下侍郎上柱國趙國公會昌四年復節度淮南六年卒贈太尉諡文肅

顧況居茅山嘗爲韓滉判官歷江南郡丞校書郎著作郎非熊況子進士第累佐使府大中時歷盱眙簿亦嘉定鎮江志卷十八

居茅山

聖

鄭光潤州人官檢校戶部尙書諸衛將軍累遷平盧軍節度使徙河中鳳翔漢璋光子官右金吾將軍漢卿漢璋弟官鴻臚少卿義昌軍節度使

尙慤家于潤爲館驛巡官公迺慤子初爲昇州牙將後爲郡守累贈右千牛將軍

元詵居丹陽處士有詩名

王總丹陽人嘗舉進士

陸橋家丹陽好爲詩

張文謹潤州人嘗主漢荆王神祠祝事

周孝懷

湯清源並丹陽人爲縣耆壽

五代包泊延陵人仕唐爲吉州長史入吳終和州歷陽令諤字直臣泊子初爲牙門右職隸歷陽軍中終銀青光祿大夫檢校國子祭酒御史中丞詠字義修諤弟爲歷陽主簿秩未滿移知含山縣令七考選知虔州零都令

丁祚字德祥金壇人唐末兵亂爲金壇守將累戰功爲楊行密都押牙遷都知兵馬使年九十一卒

刁彥能家京口終昭武軍節度使

嘉定鎮江志

卷十八

吳

劉瑜居潤州嘗爲巡官

沈彬隱雲陽山南唐先主辟置之授校書郎輔世子于東宮未幾乞罷以尙書郎致仕元彬子官秘書省正字

陳翊京口人官太子洗馬以贊善大夫致仕還京口

林仁肇爲潤州刺史因居于潤宅在京口城東後移節武昌乾德三年移節洪州留守南都

吳文潤州人歷官大理司直

刁舒字公綽十五推官

吳淑字正儀丹陽人父文任大理司直

缺以下

嘉定鎮江志卷十八終

卷十八

四九

